



UNIVERSITÄTS-
BIBLIOTHEK
PADERBORN

Universitätsbibliothek Paderborn

Annales Mariani Societatis Iesv

Nádasi, János

Romæ, 1658

Anno MDCXV.

urn:nbn:de:hbz:466:1-42840

501 Ad huius anni calcem in Collegio Romano erecta est celebris illa B. *MARIAE Pietatis*, siue Communionis generalis menstruæ Congregatio, quæ Deiparam variè colit afflictationibus, colloquijs &c. Quotidie vesperi exhortatio ad illos habetur cum varijs exercitijs pietatis, cuius odor in omnem latè Urbem effusus fragrat, etiã Principibus exemplo pertractis. Ter quothebdomadis vesperi vnà se flagellant: Sacramenta frequentant in Angelicas hierarchias chorosque partiti. Communionis generalis per Urbem in alijs alijsque templis celebrandæ curam habent, Sancto quoque Xaerico cum Deipara in Patronum adhibito. Particulatim singula enarrare pertinet ad Congregationis, Collegijque Romani Annales.

ANNO MDCXV.

502 P. *Claudius Aquaiua* hoc anno vlt Ianuarij extinctus (de quo mea Incitamenta n.46.) frequentes ad B.V. antiphonas, & selectos versiculos habebat in ore; ac sæpius repetebat. sæpè visebat S. *MARIAM* Maiorem; sabbato potissimum: vbi solidas ab illa & per illam pro Societate vniuersa petebat virtutes, nominatim has tres: *Puritatem, humilitatem, charitatem*, seu zelum animarum. Hoc nempè agebat *Claudius* quod olim S. *Ioannes Damascenus* dicens ad *Virginem*: *In te spem meam totam ex animo collocaui, & intentis oculis abs te pendeo.*

Pro Societate orare.

In m. s. Sabbat. ode 7. Litanias B.V. recitare, & propagare

503 P. *Claudius Aquaiua* cùm Societas quædam ardua pateretur, ex omnibus est feliciter eluctatus, indictis per totam Societatem de B. V. in hunc finem Litanijs, quas ipse per omnem vitam quotidie recitauit. Quod *Mathildi* scribebat olim *Gregorius VII. Pont. Max.* hoc Societati *Claudius* faciebat: *Matri Domini te principaliter commisi &*

3611

M M 2 com-



Concilior. *committo, & nunquam committere quousque illam videamus, ut cupimus, omittam.*

*i. 26. ep. 47
in fine
pag 71.
Singulari
horis, Iaculatorij
illam honorare.*

504. P. Claudius Aquanius anno 1587: 24. puncta composuit quæ pro 24. horis diei accomodate vsui esse possent ad expendenda, diuini Sacramenti arcana, cum breui salutatione. Ad calcem puncti cuiuslibet hanc velut intercalarem aspirationem apposuit: *Sit benedictum sanctissimum tuum nomen, & gloriosa tuæ Matris, quæ te peperit mundo factum fratrem nostrum.* Ita simul Filium, & Matrem, honorabat, amabat.

*Illam alijs
etiam scri-
ptis com-
mendare.*

505. Anno 1586: 19. Maij ad Societatem vniuersam de perfectione & charitate fraterna scribens, hæc addit: Altera res, quæ si minima Societas nostra nitatur, fore confido, ut (quæ DEI beneficentia est) etiam atque etiam in dies efflorescat, est præcipua quædam religio ac pietas, erga sanctissimam Virginem MARIAM. Et post quædam: Itaque velim in omnibus rebus, ac temporibus, siue publicis Societatis, siue proprijs singulorum, præstanti quadam veneratione, ac singulari fiducia, quæ nullam reatur repulsam, ad hoc laborum omnium ac solitudinum perfugium supplices accurramus. Equidem mecum dum reputo quanto deuotionis affectu hanc cæli Reginam complexi sint, quantumque ex eius pio & affiduo cultu ad omnem profecerint sanctimoniam multi sancti viri; ac priuatim P. Ignatius quantum rerum nostrarum spem ac tutelam in hac velut arce collocarit; magno teneor studio, ut nos eam propensissimis animis atque obsequijs, prosequamur, deposcentes, ut ipsamet deprecante, hæc pietas, velut suauissima hardus nostris mentibus innascatur. Tum Deiparæ dignitatem, beneficia, mendicitatem nostram proponit; & hæc, ait, omnia quam maximas.

*S. P. Ignatium in
cultu. B.
Y. inuari.*

mas à nobis, & honoris & amoris significationes erga caelestem hanc Præsidentem, & custodem nostræ salutis, exposcunt. Inde suavissimis quibusdam, è Ss. Bernardo, & Germano delibatis, ait sperare se hinc omnibus Societatis membris præstantem quandam splendorem, atque incrementa pietatis accessura, si serio atque enixè studèamus duobus ijs ornamentis magis ac magis abundare, nimirum fraternâ inter nos consensione, & perquam honorifico in Beatissimam Virginem studio, ac pietate. Quam si deditissimâ mente complectamur, suam illa infidem & clientelam nos adsciscet; augebitque, velut sedula deprecatrix, ijs virtutibus, quæ ipsam quasi delicijs affluentem, cælitibus ipsis speciosam, atque admirabilem præstitère; & quibus nos oportet collucere, vt eius Filio placeamus, qui earum vestigijs, ac velut lineamentis, terrarum orbem primus impressit, veramque docuit humilitatem, puritatem, patientiam, animarum zelum, & rerum quæ in terris sunt despicientiam; vt suâ nos aliquando similitudine, conspectuque dignatos in sempiternâ lucis, & gloriæ domicilio collocaret.

506 P. C. *Cladius Aquaviva* nobilem illum, qui Romæ lucis datus est, commentarium in psal. 44. inchoaturus ita scripsit in fronte chartæ: *Aspira, Iesuy dulcissime! Adesto, Virgo MARIA.* De illa explicat illud: *Adestit Regina à dextris tuis, & v. 14. vbi ait: Quot sunt miseriæ, & necessitates nostræ, quæ innumeræ & sine cessatione sunt, tot excitamenta putanda sunt, quibus ad deprecandum vultum illius compellimur. Addit aliam rationem serenissimi vultus Regiæ huius deprecandi; vt nimirum paupertatis nostræ oblationes, quæ exiguæ sunt, nec ita diuinos oculos oblectare valent, per manus hu-*

*Fraternâ
charitatem
cum B.V.
cultu con-
iungere.*

v. 11.

v. 14.

*Sua Deo
per illam
offerre.*

huius præcellentissimæ Reginæ summo Regi oblata magis placere possint. v. 16. Post eam, id est, post Beatissimam Virginem, Virgines CHRISTO Regi adduci, quia post se trahit, & Filio repræsentat. Sed vt id semel dicam, quotquot ferè de Societate in Scripturam Sacram commentarijs editis celebriores sunt, vbi vbi se dedit occasio de B. Virgine magnâ ingenij ac pietatis laude scripsere. Vide Salazar, Barradium, Cornelium, Celadam, Velasquez, alios.

507 In vigilia SS. omnium hoc anno 1615, pulchrâ morte decessit Audomari *Henricus Delfom* Coadiutor, de quo ita *Burgesius*: Cùm primum Societatem inijt, ad eò rudis erat, & hebes, nullaque memoriâ, vt magnoperè lugeret, se nihil rerum spiritualium ediscere ac memoriâ complecti posse. Quare vehementer afflictus die quadam coram imagine sacratissimæ Virginis prostratus, corpus, animam, corporis sensus, animi vires, ac facultates sacratissimæ Virgini ad perpetuum eius offert obsequium. Ex eo tempore ita rerum spiritualium euasit intelligens, vt conciones integras memoriâ retinere, easdemque multis post annis reddere ac recensere posset; tantoque animi sensu de B. Matre diuinis que rebus loquebatur, vt graues ex ordine nostro Theologi dicerent eum velut è puteo profundissimo iugiter haurire sensus rerum cælestium admirandos. Quare velut è fonte ex eius ore suauissimè scaturiebant, ac spontè profiliebant ad sanctissimam Matrem, aut augustissimum Sacramentum, in quo similis eum æstus pietatis abripiebat, aspirationes; cuiusmodi, Theologi nec meditando, nec pios authores voluendo fuerant assecuti. Hac de *Henrico Burgesius*. Vt proinde scite fecerit

in Societ.
Deipara
sacra c. 28

Sensus
suos omnes
eius
amori de-
dicare.

Sancti
Matris
Virginitatis

ac per sancte, qui sæpe ad Virginem Matrem. lumi-
num, MARIAM illuminatricem, aspirauerit, dicens:
Domina, seruus tuus sum ego, da mihi intellectum:
illumina tenebras meas. sedes sapientiæ, ora pro
me. vel cum Ioanne Damasceno: *Patrocinium fi-*
delium, spes humilium, pauperum protectio, egenorum,
atque in ancipiti positorum sollicita defensio.

*m. f. Sab-
bat. ode 7.*

508 P. Petrus Anton. Spinellus Ducis Seminariæ
filius, Romæ decessit 14. Dec. anno 1615. Necdum
decennis paruulus, iam, quantavis sæuitia hiemis
fureret, se noctu è lectulo clam eripiebat, vt B. V.
officium recitaret. Suum erga Deiparam amorem
insignitè explicuit præclaro illo eius *Throno*, edito.
Aiunt illum fuisse authorem sodalitatum singula-
rum sub septem festorum B. V. titulis Neapoli ere-
ctarum. sub mortem media horâ totâ cum B. Vir-
gine egit negotium æternitatis suæ, dicere iterum
iterumque auditus: *O Domina mea, quæ docuisti me*
à iuuentute mea! vsque in senectam, & senium, ne dere-
linquas me. Idem B. V. Lauretanæ sacrarium septies,
& aliquando pedes, ac mendicato innisit: quasi cum
S. Ioan. Damasceno diceret: *Diuitia pauperum,*
delicia & refugium inopum & orphanorum, spes sancta
Sanctorum, tanquam ad portum recurro sub tuam san-
ctam protectionem.

*Festa B.
V. cele-
brare.*

*Mendica-
to peregri-
nari. ad
B. V.*

509 P. Dominicus Valesius hoc anno in Bohe-
mia extinctus, vbi se finè arbitris esse videbat, B. V.
imagines aperto capite salutabat in genua pronolu-
tus. Pactionem quoque cum alijs duobus è Socie-
tate iniit, vt quoties MARIÆ vel nomen audirent, vel
imaginem viderent, toties illi Dominiæ alter alte-
rum commendaret. Ab eadem impetrasse pie cre-
debatur, vt infirma hæctenus genua, robustiora
sentiret, ad longa temporum spatia positus humi ge-
nibus.

*Pactione
plurium
colere B.
Virginem.*

*Genua in
B. V. hono-
rem cur-
uare.*

nibus ducenda. Eiusdem ope statuit, nihil mediocriter agere, sed ad summa excelsæ supra vulgarem virtutis coniti. Nempe ad id nobis exemplo suo hortatrix est ipsa, de qua, post multos alios, Crombecius, & Christoph. de Vega Theologiæ suæ MARIANÆ num. 1144. ait; eam adeò flagrantem fuisse in actibus amoris DEI, vt actus amoris DEI centesimus in illa tantum valuerit quantum nonaginta nouem antegressi omnes. Vide illum ibi de hoc latè cum Suarez. vbi ait; quòd quando DEVM amas totis viribus secundum totam actiuitatem potentiarum, & habituum supernaturalium perfectissimo quo potes modo, alterum tantum adijcias ad gratiæ cumulum quantum antea habuisti. De hoc anni mei Mariani Sabbatho 47. scripsi. Vide ibi à p. 210.

510 Hoc anno P. Paulus Comitulus Perusinus (qui anno 1626. etat. 80. in patria sua finem viuendi fecit) edidit librum 130. priuilegiorum gloriosæ Matris DEI, eumque Deiparæ ipsi, tacito suo nomine obtulit die suo natali, quasi genethliacum suum Deiparæ seu persolueret seu dedicaret. Excerpo quædam è Patribus ibi laudatis per modum orationum iaculatoriarum, vt vsui esse possint.

*Priuilegia
B.V. ex-
pendere.*

AUE MARIA, de qua quæ dicuntur diuina sunt, & ineffabilia: & in qua est quicquid est boni aut laudis in alijs. Hieron. Alb. Magn.

AUE MARIA, antiquum DEI consilium adimplens, CHRISTO verè pignoratà cum fieres. Chrysol.

AUE MARIA, scopus qui fuisti excogitatus ante secula. And. Hierosol.

AUE MARIA, quam priùs seruauit in corpore CHRISTVS Ecclesiam facturus in corde. Aug.

AUE MARIA, cuius amoris magnitudo in Filium omnes omnium creaturarum rerum amores, & dulcedines

cedines superabar. S. Anselm.

AUE MARIA, omni virtutum consummatione perfecta, cuius charitas fuit maior charitate omnium Angelorum. Richard.

AUE MARIA, cuius gratia tanta fuit, ut pura creatura maioris gratie capax non fuerit. S. Antonin.

AUE MARIA, quae si tantum velis salutem nostram, verè non salui esse non poterimus. S. Anselm.

AUE MARIA, quae licet mereri posses, peccare tamen, DEO te specialiter protegente, minimè potuisti. S. Antonin.

AUE MARIA, in qua caro CHRISTI non prius fuit concepta, quàm assumeretur à verbo. S. Thom.

AUE MARIA, DEI Mater, quod excedit omnem altitudinem, quae post DEVM dici, & cogitari potest. S. Anselm. Reliqua vide ibi.

511 De P. sebastiano Barradio hoc anno 1615.

14. Aprilis defuncto refert P. Barry (paradisi pag. 434.) laudem hanc & curam illius fuisse, ut curaret, æstimaret, colligeret omnis generis imagines B. Virginis licet attritas, vetustas, obsoletas, ac minus eleganter factas. Debemus, debemus etiam hisce, tametsi ad speciem abiectis ac tenuibus, honorandi artibus reuereri illam quam, ut scribit laudatus aliàs Gregorius VII. ad Mathildem, *calum & terra, laudare licet ut meretur nequeant, non cessant.* Hoc procul dubio teneas, quia Mater Domini quanto altior, & melior, & sanctior est omni Matre, tanto clementior, & dulcior circa conuersos peccatores.

*Incunctas
illius ho-
norare.
Vide In-
cit. n. 148.
& 149.*

512 P. Sebastianus Barradas tomi sui I. in concordiam, & historiam Euangelicam librum sextum ita inscribit: De admirabili, summaque veneratione digna Matre DEI MARIA. capite I. vocat illam vitæ arborem, in cuius ramis nos vult esse auiculas. Hanc, inquit, veniente die, hanc & decedente canamus totis

N N

me,

medullis cordium &c. Dulcissima est (pergit ibidem) ori nostro. Virgo Deipara, quâ fauus nullus dulcior. Ipsa enim fauus est omnibus DEI donis, veluti melle, redundans. cap. 2. tractat de admirando titulo Matris DEI, qui omnia gratiæ ornamenta flagitat. cap. 3. Conceptionem immaculatam, Virginis laudat, eamque ait esse fundamentum Ciuitatis DEI gemmis exornatum. In ventre Matris, rationis vsu donatam, fuisse: CHRISTVM modo præstantissimo, esse illius redemptorem. Capitibus sequentibus illius nomen, prædestinationem, natiuitatem, præsentationem, desponsationem, Iosephum sponsum, pulchritudinem externam & internam, obitum, assumptionem, exequitur latè, sanctè, ac doctè. Tum de patrocinio locutus; ô felicem, inquit, memoriam ex qua Virginis imago nunquam discedit. Plura vide toto eo commentario.

513. P. Adrianus Pleunius Brugis hoc anno diem clausurus extremum, pro felici ad eum articulum apparatione flagitauit, enixè, vt sibi morienti cum formula votorum Societatis, ea quâ nos Beatissimæ Virgini dedicamus formula legeretur; *Sancta MARIA Mater DEI, & Virgo, &c.* cuius coronamentum sunt hæc verba: *Nec me deseras in hora mortis mee.* Inter S. Cath. Senensis monita est illud: *Quicumque fuerit is, qui debitam habuerit reuerentiam erga hanc dulcissimam Matrem, non auferetur, nec deuorabitur à dracone infernali.*

Frigerius
in eius vi-
ta edita
Romæ
1656. cap.
37.

514. Hoc anno Millestadij, inculcata, inquit, annuæ, quæ penè iam exoleuerat Sabbati diebus à carnibus abstinentia. Vallisoleti Sodalitas noua instituta eorum, qui se volunt *Seruos Deiparæ* appellari. In Xerense Collegium hoc anno mos inuectus, vt Parthenij sub Deiparæ clientela Sodales feria-

feriatis diebus in ædem nostram conueniant ad res diuinas per semihoræ spacium meditandas. Idiota Deiparam alloquens: *Adiuuas, inquit, in morte: adiuuas quoque post mortem animas suscipiendo, & eas in calum deducendo. Adiuuas tribulatos, tentatos, & in DEI amore famelicos, dando eis refectiõnem internam.* Contempl. c. 6.

515 Ebreduni, in ea quæ grassabatur perpeffione morborum, duos nostros haud dubium Deiparæ præsidium expertos esse ij qui rebus interfuere perscribunt. Alter, inquit, feбри vehementer iactabatur: atque in stomachum, ac pulmonem humor defluens, animam reciprocare vix sinebat; cum in dubitatione mortis, artisque remedia frustra tentante medico, æger, Ebredunensis Deiparæ honori votum nuncupauit, & mox respirandi molestiã leuari coeptus, breui omninò conualuit, medico vim Deiparæ agnoscente, idque suã syngrophã contestato. Eadem alteri stetit incolumitas ab ope Virginis, cum fuisset à medicis conclamatus. *Potentissima, inquit S. Bernardus, & piissima charitas DEI Matris, & affectu compatiendi, & subueniendi abundat effectu, æquè locuples in utroque. Ad hunc misericordie cumulum tota solitudine miseria nostra recurvat.* serm. 4. in Assumpt. B.V.

516 Iacobus Dei Coad. in montis cuiusdam fastigio Beatissimæ Virginis imaginem collocauit. Ad hanc ire iussit affines quorundam à Turcis captorum, dixitque fore, vt auspice illã suos breui reciperent. Paruere illi Iacobi monitis: & suis, vt ille spem dederat, receptis, eo loco B. Virginis de Monte Serrato facellum posuere. obiit 1615 Bastia.

517 Collegij Balearici literæ in hunc annum aiunt faminam (cuiusdam de Societate, quem confuluerat, hortatu) vt virum in aleis fortunas omnes *Pro alijs conuertendis illam implorare.*

prodigentem corrigeret, in vigilia Immaculatæ Conceptionis Beatissimæ Virginis, conscientiam expiatam diuino epulo accubuisse, ac Deiparæ supplicem factam, ut ipsa coërcitionis modum reperiret, coniugique suo, perduto rei familiaris profligatori, melioris vitæ mentem iniiceret. Efficacitatem precum sensit maritus eâ totâ nocte sine vllâ quietis parte à conscientiam miserè perturbatus, eoque per pulsus, ut postridie alius planè fieret ab hesterno, sacramentis religiosè obitis, ac vitâ frugi eo modo institutâ quem vxor à Beatissimâ Virgine postulârat. Ita per illam finis homines noui: & nostro consilio alij sunt incitandi, ut si vxor maritum, hic vxorem, filium, amicum, &c. ad bonam frugem redire velit, huius ope velut machinâ, ad id vtatur.

orat. I.

Isidoro Thessalonicensi: *MARIA est homo nouus, & magnum, ac verè viuificum elementum.*

ob. 1615.

18. Febr.

Lucem cõ-
filijs d. B.
V. petere.

518 P. Ioannes Cardin primam suæ ad Societatem capeßendam destinationis scintillam concepit cum ex voto ædem B. Virginis à Luce inuisens diuinâ istic Synaxi reficeretur. Sabbato, etiam puer, dimidiam horam destinabat, quâ sepositis omnibus de B. V. virtutibus meditaretur. id quod mirâ spiritus dulcedine faciebat, iuxta illud Hugonis de S. Victore. (sermone de B. V. quem mellifluum, mirificum, & planè diuinum vocant) *MARIA tota dulcis est, & tota suavis, unice pulchra.*

tomo 2o.

Missiones
illi com-
mendare.

519 E Collegio Sanctanderensi hoc anno per semestre sacræ expeditiones factæ in montes ad quos ab annis iam 30. nemo de Societate penetrârat. Ibi tunc ad arboris cuiusdam radices primum sacrificatum erat à nostris: quo loco in beneficij memoriam ædícula Deiparæ inædificata est; indi-
câ cum omnibus eorum locorum indigenis, etiam
reli.

religiosis, ad illud Deiparæ sanctuarium supplica-
tione quotannis: atque is quidem mos ad hanc
vsque diem ritè seruetur. Richardo à S. Victore
Beatis. Virgo dicitur *arbor inflammata*. Sub hac ar-
bore aram pone: ac igneos fructus carpe.

520 In templo Domus Professæ Mexicanæ an-
no superiore inchoatum, hoc perfectum, & ipso na-
tæ B.V. die ritè dedicatum est sacellum B.V. Laure-
tanæ illius ædi simillimum. Sacra Deiparæ effigies
ritu solenni ad nos aduecta. Patribus è Domo piè
illi obuiam effusis, non sine collachrymatione mul-
torum. Hic naues reperiunt contra maris iras, pi-
ratarumque discrimina felix asylum, solatiumque
afflicti. Non vni sanitas restituta qui eam se nouies
uisitaturum voto promisit.

521 Eboræ hoc anno opificum Sodalitium sub
B.V. Assumptæ clientela institutum habet. 150. ca-
pita, habitò maturo admittendorum delectu. Sin-
guli totam suam familiam singulis mensibus, & fe-
stis B. Virginis ad ædem nostram pro suscipiendis
Sacramentis adducunt.

522 P. Francisco Fernandes apud Portuenses hoc
anno extincto, id in more fuit, vt inter ascenden-
dam per singulos gradus conceptis verbis Deipa-
ram tenerè salutaret. Hic in iuuentute à Societa-
te descuerat: sed ad admirandam Lapensis Deipa-
ræ ædem profectus, religione tractus, ad mentem
rediit, id quod fufius nec sine admiratione narrant
Annux Portuenses.

523 Rothomagi hoc anno vnus è nostris con-
cionibus ac scriptis perfectum est, vt felici morti
parandæ Litanias B.V. quotidie recitarent, in quod
consilium per totam Neustriam, plusquam 20. ho-
minum millia per sanctè conspirarunt.

Cor.

cap. 42.

Ædem B.
V. Laure-
tanam co-
lere, pro-
pagare.

Familias
ad cultum
B.V. alli-
cere.

Illam per
gradus sa-
lutare.

Lit. B. V.
propagare.

*Pensum
precum il-
li persolue
re.*

*Parnassi
Mariani
p. 322.*

524 *Contraci hoc anno 3. Oct. obiit P. Adria-
nus Arboreus, qui tribus coronis & Litanis quotidie
recitatis à B.V. petebat vt eius ope in Dei gratia, &
in Societate persisteret; ac ab illa in mortis articulo
potissimum iuuaretur. De hac vetus Missale Mo-
rinense: Tibi cordis in altari Decet preces immolari,
Virgo Sacratissima. Nam cum in se sit inepta, Tuo nata
fit accepta Per te precum victima.*

ANNO MDCXVI.

*Vita lib. 1
c. 10. 11.
& 12.*

*m. f. Dom.
ad vesp.
de 3.*

cap. 12.

525 P. Bernardinus Realinus (hoc anno Lu-
pijs die B.V. Visitanis extinctus) explicatè dixit, &
scripsit; se suam vocationem, & puritatis nullis tur-
pium imaginum spectris perturbatæ tranquillita-
tem Deiparæ præsidio debere. Optabat in Socie-
tate infimæ hominum classi ad labores adscribi,
quòd temporarijs potiùs quàm Scholasticis occupa-
tionibus dignum se, idoneumque censeret; dice-
retque illud se optare quòd piam illam seruitutem,
seruienti plus otij sit futurum ad precum orbiculos
Cælesti Virgini euoluendos, nempe à qua de ineun-
da Societate luculentum auxilium accepisset. Cer-
tè illa quæ magni consilij Angelum peperit, nobis
consilium auxiliumque suppeditat, si rogetur. Hinc
illud S. Ioann. Damasceni hoc ab illa postulantis:
*Prosperum iter concede nobis, vt incedamus per semitas
ducentes ad fruitionem sempiternam, & ad delicias incor-
ruptibiles, & nunquam interituras.*

526 Idem tyronibus præesse iussus, eos multifa-
riam percolebat: imprimis verò (quod ait recens
& perdiligens eius vitæ scriptor Leonardus) ingenti
erga Deiparam studio molles animos altè imbue-
bat; illudque potissimum obsequij demandabat, vt
vt percursâ frequenter ad calculos Saluatione An-
gelicâ Virginem commendarent. Hac iur ipse,
hac